

武昌九曲亭記

蘇轍

子瞻遷於齊安廬於江上齊安無名山而江之南武昌諸山坡
隨蔓延澗谷深密中有浮圖精舍西曰西山東曰寒谿依山臨
壑隱蔽松樾蕭然絕俗車馬之迹不至每風止日出江水伏息
子瞻杖策載酒乘漁舟亂流而南山中有二三子好客而喜游
聞子瞻至幅巾迎笑而攜徜徉而上窮山之深力極而息埽葉
席草酌酒相勞意適忘返往往留宿於山間以此居齊安三年
不知其久也然將適西山行於松柏之間羊腸九曲而獲少年
游者至此必息倚怪石蔭茂木俯視大江仰瞻陵阜旁矚溪谷
風雲變化林麓向背皆效於左右有巖亭焉其遺址甚狹不足
道藏輯要

天下名山記
湖廣武昌蘇

卷

軫集三
八三

以席眾客其旁古木數十其大皆百圍千丈不可加以斧斤子
瞻每至其下輒睥睨終日一旦大風雷雨拔去其一斤其所據
亭得以廣子瞻與客入山視之笑曰必欲以成吾亭耶遂相與
營之亭成而西山之勝始具子瞻於是最樂昔予少年從子瞻
游有山可登有水可浮子瞻未始不褰裳先之有不得至爲之
悵然移日至其翩然獨往逍遙泉石之上擷林莽拾澗實酌水
而飲之見者以爲仙也蓋天下之樂無窮而以適意爲悅方其
得意萬物無以易之及其既厭未有不洒然自笑者也